



Vogošća, ul. Jošanička br. 80, tel: 00387 33 586-411

Na osnovu člana 71. Statuta Općine Vogošća ("Službene novine Kantona Sarajevo", br. 27/14 – Prečišćeni tekst, 14/15, 9/20 i 23/24), Općinski načelnik donosi:

P R A V I L N I K
o načinu ocjenjivanja pristiglih prijedloga ustanova socijalne zaštite u okviru Javnog poziva za realizaciju projekta iz oblasti podrške osobama treće životne dobi

Član 1.
(Predmet)

Ovim Pravilnikom uređuje se način ocjenjivanja, kriteriji i postupak vrednovanja pristiglih prijedloga ustanova socijalne zaštite u okviru Javnog poziva za realizaciju projekta iz oblasti podrške osobama treće životne dobi.

Član 2.
(Imenovanje i rad Komisije za ocjenjivanje i odabir)

(1) Komisija za ocjenjivanje i odabir (u daljem tekstu: Komisija) pristiglih prijedloga po Javnom pozivu za dostavljanje prijedloga projekta iz oblasti podrške osobama treće životne dobi, imenuje se Rješenjem Općinskog načelnika.

(2) Komisija se sastoji od tri člana.

(3) Komisija će na prvom sastanku donijeti Poslovnik o radu.

(4) O radu Komisije vodi se Zapisnik.

(5) Komisija neće razmatrati prijave koje su neblagovremene, nepotpune, neuredno popunjene, te koje ne sadrže potpis i pečat ovlaštenog lica.

(6) Komisija za svoj rad odgovara Općinskom načelniku.

(7) Komisija dostavlja Općinskom načelniku prijedlog rang-liste pristiglih projekata.

Član 3.
(Nadležnost Komisije za ocjenjivanje i odabir)

(1) Zadaci Komisije su otvaranje pristiglih prijedloga projekata, njihovo razmatranje, ocjena i odabir.

(2) Projekti se moraju odnositi na:

a) poboljšanje kvaliteta života osoba treće životne dobi;

b) pružanje socijalnih i zdravstveno-podržavajućih usluga u kućnim uslovima;

c) unapređenje socijalne uključenosti i zaštite zdravlja starijih osoba;

d) podršku osobama koje nisu u mogućnosti samostalno obavljati osnovne životne aktivnosti.

(3) Komisija ocjenjuje prijedloge u skladu sa utvrđenim kriterijima iz ovog Pravilnika.

(4) Komisija utvrđuje da li su ispunjeni formalno-pravni uslovi prijave, te vrši kvalitativnu i finansijsku evaluaciju projekata.

(5) Komisija sačinjava prijedlog rang-liste projektnih prijedloga i dostavlja ga Općinskom načelniku na dalje postupanje.

- (6) Na rezultate Javnog poziva aplikanti imaju pravo prigovora Drugostepenoj komisiji u roku od 5 (pet) dana od dana prijema pismenog obavještenja o rezultatima Javnog poziva.
- (7) Drugostepenu komisiju imenuje Općinski načelnik, a sastoji se od 3 (tri) člana.

Član 4.

(Sistem bodovanja – Kriterij ocjenjivanja podijeljeni su na sekcije i podsekcije)

- (1) Svaka podsekcija se obavezno ocjenjuje ocjenama od 1 do 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro.
- (2) Svaki član Komisije potpisuje svoju individualnu tabelu za ocjenjivanje, a svi članovi zajedno potpisuju zbirnu tabelu za svaki projektni prijedlog.
- (3) Rangiranje projekata vrši se na način da je prvoplasirani onaj koji ima najveći zbir bodova, zatim slijedi projekat s prvim sljedećim nižim zbirom bodova, i tako do najnižeg zbira osvojenih bodova.
- (4) Samo projekti koji su dobili više od 50 bodova bit će razmatrani za finansiranje.
- (5) Prioritet pri odobravanju sredstava imat će projekat s najvećim brojem bodova.
- (6) Ukoliko je ukupan zbir u Sekciji br. 1 niži od 10 bodova, prijedlog aplikanta će biti isključen iz daljeg procesa ocjenjivanja zbog nedovoljnih institucionalnih i operativnih kapaciteta aplikanta.
- (7) Ukoliko je ukupan zbir u Sekciji 2 niži od 18 bodova, prijedlog aplikanta će biti isključen iz daljnjeg procesa ocjenjivanja zbog nedovoljne relevantnosti i usklađenosti sa prioritetima Javnog poziva.

Član 5.

(Stupanje na snagu)

Ovaj Pravilnik stupa na snagu narednog dana od dana objave na oglasnoj ploči i web stranici Općine Vogošća.

Broj: 02-31-1234/26
Vogošća, 01.06.2026. godine

OPĆINSKI NAČELNIK

Migdad Hasanović